



## Política de Privacidade para Membros do CEESG

Política de protección de datos persoais dos membros do CEESG.

De acordo co novo Regulamento Europeo de Protección de Datos (UE) 2016/679 (RXPd) e a Lei Orgánica 3/2018, de 5 de decembro, de Protección de Datos Persoais e garantía dos dereitos dixitais, temos actualizado os termos da nosa Política de Privacidade.

Con esta actualización pretendemos ofrecerche información clara, polo miúdo e transparente sobre o uso e o tratamento dos teus datos persoais, xunto co noso compromiso para garantir a túa privacidade e recompilar unicamente aquela información que sexa estritamente necesaria. De seguido facilitámosche o seu contido de forma sintética.

### Quen é o responsable do tratamento dos teus datos persoais?

Responsable: *Colexio de Educadores e Educadoras Sociais de Galiza (CEESG)*

Dirección: *R/ Lisboa 20, Baixo C, 15707 Santiago de Compostela (A Coruña)*

CIF: *Q-1500270B*

Tel.: *981 552 206*

Fax: *981 938 274*

Correo electrónico: [ceesg@ceesg.org](mailto:ceesg@ceesg.org)

Contacto DPD: [dpd@asensucontrario.info](mailto:dpd@asensucontrario.info)

### Que datos persoais recolleemos?

Aqueles datos que ti nos proporcionaches no intre no que te deches de alta no CEESG, cando participaches nos cursos de formación ou nas actividades que organizamos ou aqueles que nos cediches para acceder aos servizos telemáticos que ofrecemos a través do noso sitio web, basicamente:

- Datos identificativos e de contacto.
- Datos bancarios para a xestión do cobro de cotas.

### Con que finalidade tratamos os teus datos persoais?

Tratamos os teus datos persoais principalmente para tarefas de xestión, mantemento, desenvolvemento e control propio do CEESG:

- Xestión da relación de colexiación.
- Elaboración de estatísticas relacionadas coa actividade das persoas colexiadas.
- Prestación de servizos dos ca persoa colexiada é beneficiaria pola súa adscrición ao CEESG: formación, cápsulas, colectivos profesionais, xornadas, ferramentas online, etc.

Eventualmente, trataremos a información que nos achegas co galo de informarche de novidades relacionadas co CEESG e/ou co noso entorno profesional que podan ser do teu interese.

### Cal é a lexitimación para o tratamento dos teus datos persoais?

A base legal para o tratamento dos teus datos realízase no cumprimento da [Lei 25/2009, de 22 de decembro](#), de modificación de diversas leis para a súa adaptación á [Lei sobre o Libre Acceso ás Actividades de Servizos e o Seu Exercicio](#) da [Lei 2/1974, de 13 de febreiro](#) sobre [Colexios Profesionais](#) e da [Lei 1/2001, de 22 de xaneiro, de Creación do Colexio de Educadores Sociais de Galiza](#).

### A que destinatarios se lle comunican os teus datos persoais?

Os teus datos non serán comunicados a terceiros agás por obriga legal. A única excepción é a comunicación do teu número de conta corrente para a xestión dos pagamentos das cotas colexiais. En relación cos servizos de terceiros vencellados á web do CEESG, informámoste de que podes consultar a nosa Política de Privacidade Xenérica e os Termos de Uso no noso sitio web.

### Canto tempo ha conservar o CEESG os teus datos?

Os datos persoais proporcionados conservaranse mentres non nos solicites a súa supresión. Neste caso, ou para cando os datos xa no sexan necesarios para as finalidades coas que foron recolleitos, eliminaranse por procedementos seguros e confiables.

### Están seguros os teus datos persoais?

Adoptamos tódalas medidas técnicas e organizativas necesarias co obxectivo de evitar calquera posibilidade de acceso ou tratamento non autorizados, alteración o perda. O noso compromiso é manter sempre seguros e íntegros os teus datos.

### Cales son os teus dereitos referentes aos teus datos persoais?

Podes exercer o teu lexítimo dereito para:

- Acceder aos datos persoais recompilados.
- Solicitar a rectificación de datos inexactos.
- Solicitar a cancelación e a supresión cando os datos xa non sexan necesarios para as finalidades para as que foron recolleitos.
- Solicitar a oposición e limitación ao tratamento dos teus datos.
- Solicitar a portabilidade dos teus datos persoais (mover, copiar ou transferir os teus datos persoais a quen ti nos solicites).

Para exercer calquera dos teus dereitos ou mesmo retirar o teu consentimento, só tes que contactar por correo electrónico ou postal co responsable do tratamento mediante un escrito dirixido á sede social do CEESG:

*R/ Lisboa 20, Baixo C,  
15707 Santiago de Compostela*

ou achegarte fisicamente ata as nosas dependencias onde te atenderemos encantados. Para exercer os teus dereitos, debes acompañar a túa solicitude cunha copia do DNI. O exercicio dos teus dereitos é de balde. Se consideras co tratamento dos teus datos persoais vulnera a normativa ou non é axeitado, podes contactar ou presentar unha reclamación ante o noso *Delegado de Protección de Datos*:

[dpd@asensucontrario.info](mailto:dpd@asensucontrario.info)

### Pode trocar a Política de Privacidade?

O CEESG resérvase o dereito a modificar a presente Política de Privacidade co fin de adaptala ás novidades legislativas que sexan procedentes. Neste caso notificariámoscho, con tempo abondo, antes de proceder a aplicar as modificacións necesarias.

### Tes que facer algo?

O único preciso pola túa banda é ler atentamente esta Política de Privacidade e dar o teu consentimento cando corresponda, aceptando os seus termos.